

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKI NAČELNIK



Broj: 02- 025/13
Vareš, 14.01.2013. godine

Na osnovu člana 98. stav 2. Zakona o organizaciji organa uprave u Federaciji Bosne i Hercegovine ("Službene novine FBiH", broj: 35/05), člana 15. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06) i člana 38. stav 2. Statuta Općine Vareš – prečišćeni tekst, broj: 01-162/12 od 11.09.2012. godine, d o n o s i m:

PROGRAM RADA OPĆINSKOG NAČELNIKA ZA 2013. GODINU

OSNOVNO NAČELO

Vareš će u idućem mandatnom periodu, putem organa uprave i Općinskog vijeća, stvoriti Ambijent za nesmetanu Realizaciju i osigurati pretpostavke da se, Ekonomijom i punim jedinstvom u različitostima, stvori neophodna Šansa da ova općina bude mjesto ugodnog, poželjnog i perspektivnog življenja

I. UVOD

Program rada Općinskog načelnika za 2013. godinu zasnovan je na procjenama dobivenim analizom trenutnog stanja u organu uprave, ključnim opredjeljenjima utvrđenim u Programu rada Općinskog načelnika u okviru četverogodišnjeg mandata (2012. – 2016.) i predloženom Budžetu Općine Vareš za 2013. godinu.

Program rada sadrži zadatke Općinskog načelnika i nadležnih općinskih službi za upravu koji proizilaze iz njihove nadležnosti utvrđene ustavom, zakonom i Statutom Općine Vareš (izvršavanje zakona, izvršavanje odluka i drugih propisa Općinskog vijeća Vareš, provođenje utvrđene općinske politike, upravno rješavanje, obavljanje nadzora i praćenje stanja po oblastima za koje su osnovane općinske službe za upravu, davanje inicijativa za rješavanje pitanja iz samoupravnog djelokruga Općine, pripremanje nacрта i prijedloga općinskih propisa i dr.), kao i zadatke utvrđene Programom rada Općinskog vijeća Vareš za 2013. godinu uz definisane nosioce izrade, razloge za donošenje i rokove izvršenja.

adresa: Zvijezda 34, 71330 Vareš
identifikacijski broj: 4218285300002
depozitni račun: 3380002210017420

tel.: 00387 32 848 100; **fax:** 848 150
web: www.vares.info
e-mail: vares@bih.net.ba



U 2013. godini Općinski načelnik će u skladu s "Izbornim programom rada načelnika općine Vareš" nastojati da zaustavi daljnje urušavanje i propadanje općine Vareš na svim poljima društveno-političkog i privrednog života. Općinski načelnik će sa svim akterima društveno-političkog i privrednog života raditi na podizanju nivoa saradnje, a za dobrobit društvene zajednice. U tom smislu, Općinski načelnik će ostvariti kontinuiranu saradnju s Općinskim vijećem uz obostrano poštivanje, razumijevanje i uvažavanje te izvršavanje odluka i stavova Općinskog vijeća s ciljem efikasnijeg rada organa uprave i unapređenja kvaliteta života na području općine Vareš.

II. UNAPREĐENJE FUNKCIONISANJA OPĆINSKE UPRAVE

U cilju unapređenja funkcionisanja općinske uprave, Općinski načelnik će u toku 2013. godine:

- raditi na uspostavi efektivne, efikasne, odgovarajuće i odgovorne općinske uprave prilagođene potrebama građana i poslovnih subjekata;
- kontinuirano raditi na poboljšanju organizacije i funkcionisanja općinske uprave u skladu sa evropskim standardima;
- raditi na racionalizaciji zaposlenosti u općinskim službama za upravu, te nastaviti sa programom štednje u organima uprave i drugim institucijama i organima koji se finansiraju iz općinskog budžeta;
- u skladu s obavezama koje proizilaze iz Zakona o državnoj službi, Zakona o plaćama i naknadama u organima vlasti Federacije BiH i Odluke o organizovanju općinskih službi za upravu Općine Vareš i Stručne službe Općinskog vijeća i Općinskog načelnika u I. kvartalu 2013. godine:
 - donijeti Pravilnik o unutrašnjoj organizaciji Jedinog općinskog organa uprave Općine Vareš i Stručne službe Općinskog vijeća i Općinskog načelnika;
 - donijeti Prijedlog Odluke o utvrđivanju platnih razreda i koeficijenata za obračun plaća u Jedinom općinskom organu uprave Općine Vareš i Stručnoj službi Općinskog vijeća i Općinskog načelnika te isti dostaviti Vijeću na usvajanje;
 - donijeti Pravilnik o plaćama, dodacima na plaću i drugim primanjima, s obavezom da visinu i način ostvarivanja prava na naknadu i dodatke na plaću na prijedlog Općinskog načelnika utvrdi Općinsko vijeće (član 62. Zakona o plaćama i naknadama u organima Vlasti Federacije BiH);
 - donijeti Pravilnik o odmorima i odsustvima službenika i namještenika Općine Vareš (uskладiti ga sa Zakonom i naprijed navedenim aktima po njihovom donošenju);
- raditi na saniranju dugovanja Općine Vareš po osnovu Rješenja Porezne uprave, a nastalih zbog neuplaćenih poreza i doprinosa na platu i iz plate;
- kvartalno Općinskom vijeću Vareš podnositi na razmatranje Izvještaj o ostvarenju Budžeta za 2013. godinu;
- stvarati uslove za podizanje finansijske discipline na veći nivo, te iznalaziti i druge mogućnosti koje mogu doprinijeti stabilizaciji finansijskog stanja;
- kontinuirano i pravovremeno izvršavati budžetske obaveze;
- raditi na poboljšanju transparentnosti i protoku informacija unutar administracije i prema građanima i poslovnim subjektima;

- završiti unos podataka iz matičnih evidencija u elektronsku bazu;
- raditi na stručnom osposobljavanju i usavršavanju uposlenika;
- slijediti Pravilnik o ocjenjivanju državnih službenika i namještenika;
- omogućiti građanima i pravnim licima da što efikasnije i jednostavnije ostvaruju svoja prava i izvršavaju svoje obaveze;
- redovno pratiti dinamiku ostvarivanja prava građana u stanju socijalne potrebe u oblastima socijalne i zdravstvene zaštite;
- raditi na izradi socijalne karte općine Vareš za pomoć penzionerima i socijalno ugroženim kategorijama stanovništva, a sve s ciljem subvencioniranja troškova komunalnih usluga za navedene kategorije stanovništva;
- kontinuirano sarađivati sa Policijskom stanicom, Domom zdravlja i obrazovnim ustanovama radi prevencije i sprečavanja društveno neprihvatljivih pojava kod mladih u školskom uzrastu;
- u saradnji sa Domom zdravlja, Općinskim vijećem Vareš i organima mjesnih zajednica podizati nivo zdravstvene zaštite, s posebnim akcentom na pružanje zdravstvenih usluga u terenskim ambulancama;
- u saradnji sa Centrom za socijalni rad Vareš raditi na provođenju mjera socijalne zaštite;
- raditi na iznalaženju finansijskih sredstava za obogaćivanje knjižnog fonda Opće biblioteke Vareš;
- intenzivno se uključiti u rješavanje spornog pitanja liječenja građana Vareša u zdravstvenim ustanovama u Sarajevu;
- u saradnji sa Policijskom stanicom Vareš kontinuirano pratiti stanje bezbjednosti;
- djelovati na promociji Programa zaštite i spašavanja ljudi i materijalnih dobara u saradnji sa privrednim i društvenim subjektima i organima mjesnih zajednica;
- razvijati partnerstvo i saradnju sa nevladinim sektorom u realizaciji zajedničkih projekata;
- nastaviti saradnju sa međunarodnim i nevladinim organizacijama (IFAD, OSCE, Mozaik, UNDP i dr.);
- podnositi izvještaje Općinskom vijeću Vareš o ostvarivanju politike jedinice lokalne samouprave i o svojim aktivnostima;
- pripremiti Strategiju omladinske politike;
- izraditi elaborat s prijedlogom mjera kako bi se poslovanje javne ustanove Centar za kulturu i edukaciju Vareš dovelo u zakonite okvire;
- djelovati na unapređenju partnerskih odnosa sa komunom Flen iz Švedske i nastojati uspostaviti partnerske odnose sa općinama i gradovima iz regije i zemalja Evropske unije;
- osigurati izvršavanje i drugih poslova u skladu sa zakonom.

III. RAZVOJ PODUZETNIŠTVA I ZAPOSŁJAVANJE

U narednom periodu Općinski načelnik će:

- kontinuirano raditi na privlačenju potencijalnih investitora spremnih na ulaganja na našem području i otvaranje novih preduzeća i novih radnih mjesta, pri čemu maksimalno koristiti privrednike naše općine i njihove poslovne partnere;
- u saradnji sa Regionalnom razvojnom agencijom "Serda" Sarajevo nastaviti aktivnosti u cilju formiranja industrijskih zona;
- nastaviti saradnju sa Savezom općina i gradova FBiH;
- omogućiti što bržu i efikasniju uslugu investitorima zainteresovanim za ulaganja u eksploataciju ruda obojenih metala (Borovica i "Veovača") i ruda željeza, kao i u oblastima metalne, drvne, prehrambene, tekstilne industrije i turizma;

- raditi na kadrovskom osposobljavanju i jačanju nadležne općinske službe kako bi ista bila efikasan servis građanima i privrednim subjektima u pripremi programa za pokretanje proizvodnje;
- izraditi Investicijski vodič općine Vareš;
- organizovati privrednike i predstavnike vlasti svih nivoa u cilju iznalaženja mjera za stvaranje dobrog ambijenta za rad poduzetnika na našem području;
- podsticati zapošljavanje ljudi na vlastitim imanjima;
- podsticati poljoprivrednu proizvodnju i uzgoj stoke na individualnim gazdinstvima, te iznalaziti mogućnosti za plasman tih proizvoda;
- nastaviti praćenje treće faze projekta "Heifer" u saradnji sa američkom nevladinom organizacijom "Heifer" i nevladinom organizacijom "Žena za ženu" iz Sarajeva;
- nastaviti aktivnosti oko registracije seoskih gazdinstava;
- raditi na obezbjeđenju lokacije za izgradnju proizvodnih objekata na prostoru naše općine;
- dodatno se angažovati na stvaranju što povoljnijeg ambijenta za razvoj poduzetništva.

IV. KAPITALNI PROJEKTI I FINANSIJSKA ULAGANJA

U skladu sa razvojnim projektima iz Strategije razvoja općine Vareš za period od 2006. do 2015. godine, planiranim budžetskim sredstvima i sredstvima prikupljenim od strane donatora, te u saradnji sa Vladom Zeničko-dobojskog kantona, nadležnim ministarstvima, direkcijama, javnim preduzećima i građanima, u toku 2013. godine će se:

- nastaviti aktivnosti na obezbjeđenju finansijskih sredstava i nastavku izvođenja radova na rekonstrukciji regionalnog puta R-444 i R-444a;
- završiti projekte koji se sufinansiraju od strane GAP-a, a koji se odnose na: uređenje i asfaltiranje lokalnog puta kroz naselje Neprivaj, asfaltiranje lokalnog puta Strica-Zarudje;
- voditi aktivnosti na realizaciji drugih kapitalnih projekata za koje se uspiju obezbijediti finansijska sredstva;
- u saradnji sa nadležnim ministarstvima i institucijama omogućiti što veći obim povratka raseljenih i izbjeglih lica, kao i obnova uništenih stambenih jedinica;
- nastaviti asfaltiranje kategorisanih i nekategorisanih lokalnih puteva na području općine Vareš prema prioritetima definisanim u Strategiji obnove, rekonstrukcije, asfaltiranja lokalnih cesta i puteva;
- pronaći investitora za treću fazu (završetak rekonstrukcije) Radničkog doma;
- započeti izradu urbanističkog plana za gradsko područje;
- u saradnji sa vareškim školama raditi na pronalaženju investitora i sredstava za rekonstrukciju i sanaciju školskih objekata;
- u saradnji sa nadležnom agencijom nastaviti sa realizacijom projekata deminiranja površina kontaminiranih minsko-eksplozivnim sredstvima;
- nastaviti aktivnosti na izgradnji mini-centrala na vodotocima općine Vareš uz poštivanje svih ekoloških standarda i propisa koji regulišu pitanja iz ove oblasti;
- izraditi projektну dokumentaciju za kanalizacionu mrežu u Mjesnoj zajednici Strica-Zarudje;
- nastaviti aktivnosti na izradi infrastrukturnih projekata u mjesnim zajednicama i tražiti investitore za realizaciju već pripremljenih projekata;
- u saradnji sa mjesnim zajednicama raditi na planskom unapređivanju infrastrukture;
- izgraditi suvenirnicu na kraljevskom gradu Bobovcu;

- raditi na instaliranju zimskih turističkih destinacija na području općine, a posebno na lokalitetu Doli i na planini Zvijezdi na lokalitetu Šimin Potok;
- završiti postavljanje horizontalne i vertikalne saobraćajne signalizacije u gradskom području;
- nastaviti unapređivanje turističke signalizacije na cjelokupnom području općine Vareš.

V. KOMUNALNI RED I ZAŠTITA OKOLIŠA

U ovoj oblasti tokom 2013. godine će se:

- uraditi plan i program sanacije i uklanjanja ruševnih objekata;
- u koordinaciji sa nadležnim inspeksijskim organima provoditi mjere zaštite izvorišta pitke vode;
- izraditi akcioni plan očuvanja i zaštite spomenika prirode;
- u skladu sa Zakonom o komunalnim djelatnostima ZE-DO kantona, pokrenuti i okončati aktivnosti na provođenju svih procedura da se održavanje javne rasvjete povjeri pravnom licu osposobljenom za usluge komunalne djelatnosti;
- u skladu s Lokalnim ekološkim akcionim planom za općinu Vareš i Planom upravljanja otpadom na području ZE-DO kantona, pristupiti formiranju tima za izradu Općinskog plana za upravljanje otpadom s urađenim planskim periodom, planiranim aktivnostima, načinom realizacije, nosiocima, te sredstvima za finansiranje uz tačno utvrđenu dinamiku i rokove (pri realizaciji ovih aktivnosti saradivati sa susjednim općinama i Regionalnom razvojnom agencijom "Serda" Sarajevo);
- nastaviti aktivnosti na izradi studije i odgovarajućoj zaštiti planine Zvijezde;
- pružiti maksimalnu podršku sektoru civilnog društva u provođenju projekata orijentisanih ka zaštiti i unapređenju okoliša;
- izraditi akcioni plan uređenja javnih površina;
- u saradnji sa Javnim komunalnim preduzećem Vareš, organima mjesnih zajednica i ekološkim udruženjima raditi na unapređenju odvoza komunalnog otpada;
- raditi na uklanjanju divljih deponija oko puteva i vodotoka;
- nastaviti saniranje deponija u mjesnim zajednicama;
- u saradnji sa nadležnim ministarstvima pokrenuti postupak sanacije i rekultivacije devastiranih rudničkih površina i industrijskih zona;
- u saradnji sa nadležnim institucijama iznaći rješenje za uklanjanje štetnih materija deponovanih na lokalitetu "Veovača";
- redovno pratiti vodostaj i stanje brane na flotacijskom jezeru bivšeg Energoinvestovog rudnika;
- u saradnji sa Javnim komunalnim preduzećem Vareš, organima mjesnih zajednica, ekološkim udruženjima, obrazovnim ustanovama i nadležnim ministarstvima nastaviti aktivnosti na razvijanju ekološke svijesti;
- raditi na iznalaženju finansijskih sredstava za izgradnju dijela kanalizacione mreže na gradskom području;
- raditi na istraživanju izvorišta "Stijene".

VI. OBJEKTI SPORTA I REKREACIJE

U toku 2013. godine će se:

- u saradnji sa mjesnim zajednicama raditi na izgradnji i unapređenju sportskih terena;

- u partnerstvu sa udruženjima lovaca, ribolovaca i planinara nastaviti unapređivati uslove za bavljenje lovnim, ribolovnim i rekreativnim turizmom;
- zajedno sa menadžmentom Mješovite srednje škole "Nordbat 2" Vareš iznaći mogućnost za projekat rekonstrukcije sportske dvorane;
- pripremiti projektni prijedlog za rekonstrukciju sportskog terena i pratećih objekata Nogometnog kluba "Vareš";
- u partnerstvu sa Klubom ekstremnih sportova "Perun-Va" Vareš nastaviti realizaciju projekta "Zvezdane staze";
- u saradnji sa Klubom ekstremnih sportova "Perun-Va" Vareš nastaviti sa realizacijom projekta "Paraglajding kuća" na lokalitetu Greda - Perun.

VII. SPOMEN-OBILJEŽJA

U vezi sa spomen-obilježjima u 2013. godini će se:

- završiti projekat izgradnje centralnog spomen-obilježja poginulim pripadnicima Armije BiH;
- nastaviti aktivnosti na praćenju stanja nacionalnih spomenika i spomenika prirode;
- nastaviti afirmaciju kulturno-historijskog naslijeđa općine Vareš;
- raditi na iznalaženju finansijskih sredstava za uređenje grobalja i mezaristana;
- izraditi projekat spomen-obilježja poginulim pripadnicima Armije BiH na Budoželju;
- raditi na iznalaženju finansijskih sredstava za rekonstrukciju spomenika iz NOR-a.

VIII. JAVNE MANIFESTACIJE

U toku 2013. godine će se:

- u saradnji sa Općinskim vijećem Vareš organizovati prigodno obilježavanje državnih praznika i drugih datuma koji su od značaja za Bosnu i Hercegovinu, Federaciju Bosne i Hercegovine i općinu Vareš;
- organizovati obilježavanje Dana općine Vareš;
- u skladu sa finansijskim mogućnostima pomagati organizovanje i održavanje kulturnih, sportskih, zabavnih i drugih javnih manifestacija;
- organizovati Sajem domaćih proizvoda;
- **u dogovoru sa predstavnicima vareške dijaspore raditi na utvrđivanju datuma i organizacije dana "Vareške dijaspore".**

IX. MJESNA SAMOUPRAVA

U toku 2013. godine će se:

- održati izbori za članove savjeta mjesnih zajednica;
- organizovati periodični sastanci sa predsjednicima mjesnih zajednica s ciljem uspostavljanja kontinuirane saradnje i rješavanja prioriternih problema u mjesnim zajednicama;
- raditi na rješavanju problema nedostatka prostorija (kancelarija) za rad savjeta mjesnih zajednica;
- u skladu sa tehničkim mogućnostima u mjesnim zajednicama raditi na internetizaciji kancelarija mjesnih zajednica.

X. OPĆINSKE SLUŽBE ZA UPRAVU

U toku 2013. godine Općinski načelnik će, putem općinskih službi za upravu, pratiti stanje po oblastima (privreda, poljoprivreda, obrazovanje, zdravstvena zaštita, socijalna zaštita, boračko-invalidska zaštita, djeca i mladi, mjesne zajednice, nevladin sektor, međunarodne organizacije, viši nivoi vlasti i dr.), blagovremeno informisati o stvarnom stanju i predlagati konkretne mjere. U slučaju potrebe, Općinski načelnik će pokretati i druge aktivnosti i Općinskom vijeću Vareš predlagati usvajanje odgovarajućih dokumenata.

Općinske službe za upravu će, svaka iz svoje nadležnosti, osim poslova predviđenih zakonom, Statutom Općine Vareš, Odlukom o organizovanju općinskih službi za upravu Općine Vareš i Stručne službe Općinskog vijeća i Općinskog načelnika, broj: 01-263/10 od 29.12.2010. godine, te drugim propisima, vršiti izradu normativno-pravnih akata, informacija i izvještaja prema Programu rada Općinskog vijeća Vareš za 2013. godinu, broj: 01-222/12 od 27.12.2012. godine, odnosno prema Kalendaru akata koji će se razmatrati na sjednicama Općinskog vijeća Vareš u 2013. godini.

Pored planiranih poslova, tokom 2013. godine Općinski načelnik i nadležne općinske službe za upravu će svoje aktivnosti usmjeriti i na ostala pitanja koja se nametnu kao posebno važna.

NULTI PRIORITETI ZA PERIOD I – VI mjesec 2013. godine

- ✚ Nakon razmatranja izvještaja o radu za 2012. godinu u svim javnim ustanovama i javnim preduzećima čiji je osnivač i vlasnik kapitala Općina i Općinsko vijeće doći će do rekonstrukcije upravljačke strukture shodno:
 - Federalnom zakonu o ministarskim, vladinim i drugim imenovanjima i
 - Federalnom zakonu o privrednim društvima,
- ✚ Imenovanje komisije za inoviranje Strategije razvoja općine Vareš,
- ✚ Izrada projektnog zadatka, imenovanje radne grupe i početak izrade Strategije kulturnog razvoja općine Vareš za period 2013. – 2023. godina,
- ✚ Utvrđivanje politike razvoja i afirmacije civilnog društva u Varešu.
- ✚ Kontinuirano praćenje ocjenjivanja rada državnih službenika i namještenika općine Vareš i analogno tome izvještavanje Općinskog vijeća Vareš o rezultatima ocjenjivanja,
- ✚ Imenovanje radne grupe za utvrđivanje politike i početka realizacije organiziranja poljoprivredne zadruge općine Vareš, u koju bi pored vlastitih udjela poljoprivrednih proizvođača udio u vlasničkom kapitalu imala i Općina Vareš.

DOSTAVLJENO:
1 x Općinsko vijeće,
1 x a/a.

OPĆINSKI NAČELNIK
Kovačević Avdija, dipl. pravnik